

CNS1974

R GR 16-01 00147 BA144

bah

LAPANGAN TERBANG LANGKAWI DIBESARKAN

Lapangan Terbang

I

KUAH (Langkawi), 16 Jan (Bernama) -- Perdana Menteri Datuk Seri Dr Mahathir Mohamad telah meluluskan cadangan untuk memperbesarkan Lapangan Terbang Antarabangsa Langkawi bagi menampung kapal terbang lebih besar.

Penolong Pengurus Besar Lembaga Pembangunan Langkawi (LADA) Encik Yazid Jais, berkata keputusan itu dibuat minggu lepas pada satu mesyuaratnya.

Katanya butiran projek itu sedang dibincangkan dan keputusan mengenai kos projek itu belum dibuat.

+Apabila siap lapangan terbang itu akan dapat menampung kapal terbang besar seperti DC-10,+ katanya pada taklimat untuk wartawan yang menghadiri Forum Pelancongan Asean '92 (ATF) di Pelangi Beach Resort di sini hari ini.

Kira-kira 200 wartawan dan pengusaha pelancongan berada di sini sebelum menghadiri ATF yang akan dirasmikan oleh Menteri Kebudayaan, Kesenian dan Pelancongan Datuk Sabbaruddin Chik di Pulau Pinang pada hari Sabtu. -- Lagi.

▼16/01/18-44MST

R GB 16-01 00088 BA147

bah

Lapangan Terbang 2 (akhir) Kuah (Langkawi)

Encik Yazid berkata ia akan membabitkan pembesaran landasan dan kemudahan lain seperti terminal kargo dan penumpang. Lapangan terbang itu kini hanya mampu menampung pesawat Boeing 737.

+Proses mendapatkan tanah yang diperlukan sedang dijalankan dan projek itu dijangka siap dalam masa dua atau tiga tahun lagi,+ katanya.

Ini merupakan pengubahsuaian kedua lapangan terbang itu yang dipertingkatkan tahun lepas sempena Pameran Maritim dan Udara Antarabangsa Langkawi (LIMA) dengan kos \$22 juta. -- Bernama.

▼16/01/18-56MST